

As circunstancias para graduar os posibles incumprimentos de condicións impostas co motivo da concesión destas subvencións son os previstos no artigo 60 da LXS.

BASE VIXÉSIMA.—RECLAMACIONES

Contra o acordo da aprobación destas bases e convocatoria que pon fin á vía administrativa poderase interpoñer recurso potestativo de reposición, perante o mesmo órgano que o ditou, no prazo dun mes a partir do día seguinte ó desta notificación (artigos 107 e 117 da LRXPAC), ou ben, directamente recurso contencioso-administrativo perante o Xulgado do Contencioso-Administrativo de Pontevedra segundo o disposto no artigo 8 da Lei 29/1988, de 13 de xullo Reguladora da Xurisdición Contencioso-Administrativa, e todo iso no prazo establecido no artigo 46 da citada Lei.

Todo iso sen prexuízo de que poida utilizar calquera outro recurso que estimen conveniente.

BASE VIXÉSIMOPRIMEIRA.—MODELOS NORMALIZADOS

Os recollidos na páxina web www.concellodorosal.es.

O Rosal, a 15 de maio de 2007.—O Alcalde, ilexible. **2007005002**

* * *

PONTEAREAS

A N U N C I O

Ordenanza Fiscal da Taxa por ocupación de terreos de uso público local con mercadorías, materiais de construción, rebo, valos, puntais, asnillas, estadas e outras instalacións análogas.

ARTIGO 1.—FUNDAMENTO E NATUREZA

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das bases de réxime local e de conformidade co disposto nos artigos 15 a 19 do R.D. Lexislativo 2/2004, de 5 de marzo, polo que se aproba o texto refundido da Lei reguladora das facendas locais, o Concello de Ponteareas establece a taxa por ocupación de terreos de uso público local con mercadorías, materiais de construción, rebo, valos, puntais, asnillas, estadas e outras instalacións análogas, a que se refire o artigo 20.3.g) do citado R.D. Lexislativo 2/2004, de 5 de marzo, polo que se aproba o texto refundido da Lei de facendas locais, que se rexerá pola presente ordenanza fiscal, atendendo as súas normas ó disposto no artigo 57 do citado R.D. Lexislativo.

ARTIGO 2.—FEITO IMPOÑIBLE

Constitúe o feito imponible desta taxa a realización da utilización privativa ou aproveitamento especial do dominio público local con:

- Valos, guindastres, elevadores, estadas e outras instalacións semellantes.
- Puntais, asnillas e toda clase de apeo dos edificios.
- Ocupación con mercadorías, materiais de construción, rebo ou outros elementos similares. Cortes de rúas para ubicación de calquera dos elementos anteriores.

ARTIGO 3.—BENEFICIOS FISCAIS

Aplicaranse os beneficios fiscais previstos nas normas con rango de Lei e nos tratados internacionais.

ARTIGO 4.—SUXEITOS PASIVOS

Son suxeitos pasivos, en concepto de contribuínte, as persoas físicas ou xurídicas, así como as entidades a que se refire o artigo 36 da Lei 58/2003, de 17 de decembro, Xeral Tributaria, que resulten beneficiadas pola utilización ou aproveitamento especial do dominio público local, ben a través da oportuna licenza solicitada polo contribuínte ou ben de oficio se constata o feito imponible desta taxa a través dos informes da inspección de tributos ou da policía local.

ARTIGO 5.—RESPONSABLES

Responderán solidariamente das obrigas tributarias do suxeito pasivo, as persoas físicas e xurídicas a que se refiren os artigos 42 da Lei 58/2003, de 17 de decembro, Xeral Tributaria.

2. Serán responsables subsidiarios os administradores das sociedades e os síndicos, interventores e liquidadores de rebas, concursos, sociedades e entidades en xeral, nos supostos e co alcance que sinala o artigo 43 da Lei 58/2003, de 17 de decembro, Xeral Tributaria.

ARTIGO 6.—BASE IMPOÑIBEL

Tomarase como base para a determinación da Cota Tributaria, o tempo de duración dos aproveitamentos e a magnitude deste, expresada en metros lineais ou cadrados, segundo sexa a natureza da ocupación.

ARTIGO 7.—COTA TRIBUTARIA

7.1.—Valos, estadas, guindantres, elevadores, xilos e outras instalacións análogas colocadas no dominio público local, por m² ou fracción, cada quince días ou fracción 1,36 €.

7.2.—Puntais, asnillas e outros elementos de apeo dos edificios, por unidade cada quince días ou fracción 0,96 €.

7.3.—Ocupacións con mercadorías, materiais de construción, rebo ou outros elementos similares, mesmo cando se depositen en vagóns, colectores ou análogos, por m² ou fracción, cada quince días ou fracción 1,36 €.

7.4.—As instalacións recollidas nos puntos anteriores que estén instaladas por período superior a 6 meses, a partir do 1º día posterior a tal prazo, por m² ou fracción ao mes terán un incremento do 10%.

7.6.—Con carácter mínimo, e sempre que por aplicación das tarifas anteriores non se alcance dito importe, esixiranse 15 €.

ARTIGO 8.—DEVENGO

Devéngase a taxa e nace a obrigaçión de contribuir cando se inicie o aproveitamento ou desde o outorgamento da licenza.

ARTIGO 9.—LIQUIDACIÓN E INGRESO

O interesado deberá autoliquidar o importe da taxa, segundo as tarifas establecidas no artigo 7 da presente ordenanza. Dita autoliquidación non causará dereito ningún e non faculta para realizar a ocupación solicitada, que tan só poderán ser realizadas cando se obteña a preceptiva autorización. Non se tramitará o expediente nin se permitirá a realización das obras definitivas do feito imponible ata que se teña efectuado o pagamento da autoliquidación.

ARTIGO 10.—NORMAS DE XESTIÓN

1.—As cotas sinaladas son irreducibéis e a obriga de pagamento da taxa nace no momento de outorgarse a correspondente licenza ou no da iniciación da utilización privativa ou aproveitamento especial do dominio público local.

2.—A licenza para a utilización privativa ou aproveitamento especial do dominio público local, solicitarase por medio de instancia dirixida a alcaldía, achegando os documentos necesarios para valorar a solicitude unha vez tramitado o expediente dictarase resolución da alcaldía, comprobándose a autoliquidación practicada.

3.—Cando con ocasión dos aproveitamentos regulados nesta ordenanza se produciran desperfectos no pavimento ou instalacións da vía pública, os beneficiarios estarán suxeitos ao reintegro total dos gastos de reconstrución e reparación de tales desperfectos ou reparar os danos causados, que serán, en todo caso, independentes das autoliquidacións ou liquidacións que se practiquen polos aproveitamentos realizados.

4.—A ocupación da vía pública con guindastres ou aparatos elevadores, sempre que a súa base

este ocupando o dominio público local estará suxeita as tarifas establecidas nesta ordenanza.

5.—Rematado o prazo solicitado, as solicitudes de prorrogación tramitaranse como unha nova autorización ou licenza, debendo achegar xuntamente coa solicitude, fotocopia da autoliquidación anterior practicada.

ARTIGO 11.—INFRACCIÓNS E SANCIÓNS TRIBUTARIAS

Para a cualificación das infraccións tributarias, así como das sancións que as mesmas corresponden en cada caso, estarase ó disposto nos artigos 183 e seguintes da Lei 58/2003, de 17 de decembro, Xeral Tributaria.

DISPOSICIÓN ADICIONAL

As tarifas anteriores serán incrementadas anualmente no IPC.

DISPOSICIÓN FINAL

A presente ordenanza, que consta de 11 artigos, unha disposición adicional e unha final, foi aprobada provisionalmente polo Concello Pleno o 30 de maio de 2006. Entrará en vigor, logo da súa publicación no “Boletín Oficial” da provincia, permanecendo en vigor ata a súa modificación ou derogación expresas.

Ponteareas, a 12 de abril de 2007.—O Alcalde,
Salvador González Solla.

2007004243

* * *

P O I O

Bases reguladoras para a provisión de dúas prazas de Gardas de Policía local, de Administración Especial, incluídas na oferta de emprego público do concello de Poio, correspondente ó ano 2006, mediante o procedemento de oposición libre.

PRIMEIRA.—OBXECTO DA CONVOCATORIA

Ten por obxecto a presente convocatoria a provisión de dúas prazas de Gardas de Policía Local, do Concello de Poio, incluídas na Oferta de Emprego Público 2006, vacantes no cadro de persoal funcionario a cubrir mediante o procedemento de oposición libre.

SEGUNDA.—CARACTERÍSTICAS DAS PRAZAS QUE SE CONVOCAN

Dúas prazas de Garda de Policía Local, encadradas na Escala de Administración Especial, Subescala de Servizos Especiais, Clase Policía, e dotadas coas retribucións básicas correspondentes ó grupo D, pagas extraordinarias e retribucións complementarias que figuran na relación de postos de